




ՀԱՅԱՍՏԱՆՅԱՅՑ ԱՌԱՔԵԼԱԿԱՆ ՍՈՒՐԲ ԵԿԵՂԵՑՈՒՄ ԱՐԱՐՈՂՈՒԹՅԱՆ ԸՆԹԱՑՔՈՒՄ ԳՈՐԾԱԾՎՈՂ ԳՐՔԵՐ

Հայ Առաքելական Սուրբ Եկեղեցում ի գործածություն եղող գրքերը, ի տարբերություն պարզ (աշխարհիկ) գրքերի, գործածվելուց առաջ նախ օրհնվում են եպիսկոպոսի կողմից (Կանոն նոր գիրք օրհնելոյ, Մաշտոց, էջ 178, Երուսաղեմ, 1977), քանզի օրհնությունից հետո եկեղեցում գործածվող յուրաքանչյուր գիրք դառնում է «հրաշագործ», «համբուրելի» և «սուրբ»: Ապա այդ սուրբ գրքերի առաջնորդությամբ (ընթերցանություն, երգեցողություն) կատարվում է Եկեղեցու ծեսը, արարողությունը կամ կարգը:

Հայ Եկեղեցում ծեսը ունի հիմնական երեք բաժանում.

ա. ԺԱՄԵՐԳՈՒԹՅՈՒՆՆԵՐ

բ. ԽՈՐՀՈՒՐԴՆԵՐ

գ. ՀՈԳԵՎՈՐ ԲԱՐԵՊԱՇՏԱԿԱՆ ԱՐԱՐՈՂՈՒԹՅՈՒՆՆԵՐ

ա. Ժամերգությունները մեր Եկեղեցում թվով յոթն են՝ բաժանված արարողական յոթ մասերի (ժամերի): Իսկ ըստ կանոնակարգի ժամերգությունները թվով ինն են, քանզի «Ծաշու» ժամերգությունը իր հերթին բաժանվում է երեք մասի:

1. Գիշերային ժամերգություն.

2. Առավոտյան ժամերգություն.

3. Արևագալի ժամերգություն.

4. Ծաշու (երրորդ, Վեցերորդ և իններորդ ժամու).

5. Երեկոյան.

6. Խաղաղական.

7. Հանգառայան:

Հայ Եկեղեցու սրբազան Խորհուրդներն են.

1. Մկրտություն.

2. Դրոշմ.
3. Ապաշխարություն.
4. Հաղորդություն.
5. Պսակ ձեռնադրության.
6. Պսակ ամուսնության.
7. Վերջին օծում:

գ— Հոգևոր բարեպաշտական արարողությունների ցանկը ներկայացնում ենք ըստ Երուսաղեմի 1977 թ. հրատարակված «Մաշտոցի»:

1. Կանոն գիշեր ժամու աղօթից.
2. Կանոն խաչալուսյ առնելոյ.
3. Կանոն դժուարածին յղի կնոջ.
4. Կանոն վասն աշսահարաց և լուսնոտից.
5. Կանոն Սկիհ և Մաղզմա օրհնելոյ.
6. Կանոն եկեղեցոյ զգեստ օրհնելոյ.
7. Աղօթք խունկ օրհնելոյ.
8. Կանոն նոր գիրք օրհնելոյ.
9. Կանոն աղ օրհնելոյ.
10. Կանոն մատաղ օրհնելոյ.
11. Կանոն ջրհոր օրհնելոյ.
12. Կանոն զարմտիս օրհնելոյ.
13. Աղօթք վասն երաշտի.
14. Կանոն նորոգ սափրելոյ զհերս պատանույն.
15. Կանոն մեծի թաղման.
16. Կանոն մեծի այգուց.
17. Կանոն մեծի եօթն աւուր.
18. Կանոն տղայաթաղ կատարելոյ.
19. Կանոն տղայի այգուց.
20. Կանոն տղայի եօթն աւուր.
21. Կանոն հոգեհանգիստ կատարելոյ.
22. Առաջին Ամբիծ ննջեցելոց.
23. Երկրորդ Ամբիծ ննջեցելոց.
24. Երրորդ Ամբիծ ննջեցելոց.
25. Շարականք հանգստեան.
26. Աւետարանք բժշկութեան.
27. Աղօթք բժշկութեան.
28. Տնօրհներ ի սուրբ Ծննդեան.
29. Տնօրհներ ի սուրբ Զատիկի:

Վերոհիշյալ արարողությունները (կարգ) կատարելու համար Հայ Եկեղեցու եռամեծ հայրապետներն ու վարդապետները հեղինակել, ապա եկեղեցական սուրբ ժողովները կանոնականացրել ու մեզ են ժառանգություն թողել եկեղեցական մեծ գրականություն, որոնց առաջնորդությամբ և հետևելով մենք մասն աշսոր կատարում ենք ժամերգություններ, խորհուրդներ և հոգևոր բարեպաշտական արարողություններ:

Մեր նպատակն է՝ ներկայացնել **յուրաքանչյուր արարողական գիրք, ըստ իր հեղինակի և ժամանակի:**

Հայ Առաքելական Ս. Եկեղեցում արարողությանց ընթացքում գործածվող կանոնական գրքերը հետևյալներն են.

Ա. ԺԱՄԱԳԻՐՔ.
 Բ. ՇԱՐԱԿԱՆ.
 Գ. ԾԱՇՈՑ.
 Դ. ՅԱՅՍՄԱԽՈՒՐՔ.
 Ե. ՏԱՂԱՐԱՆ ԳԱՆՁԱՐԱՆ.
 Զ. ՏՕՆԱՑՈՅՑ.
 Է. ԽՈՐՀՐԴԱՏԵՏՐ.
 Ը. ՄԱՇՏՈՑ:

Ժամագիրք. Հեղինակներ, կազմողներ

1. Ս. Սահակ Պարթև և Ս. Մեսրոպ Մաշտոց (—439).

Տառերի գյուտից հետո, հարկավ առաջինը լինելով, Ժամագրքի կազմությանը և հեղինակմանը ձեռնամուխ եղան հայագգի մեծ սրբերը: Սակայն նրանց աշխատությունները չեն թվարկվել հայոց մատենագրության մեջ, այլ միայն Ը դարի հեղինակ Հովհան Օձնեցին է վկայում և Ս. Սահակին վերագրում «Գիշերային ժամերգության» քարոզներն ու աղոթքները: Իսկ ամենակարևոր վկայությունը Ս. Սահակի և Ս. Մեսրոպի մասին մենք գտնում ենք ժամագրքի վերտառության մեջ. «Ժամագիրք ատենի արարեալ սուրբ եւ Աստուածաշնորհ թարգմանչացն ՍԱՀԱԿԱՅ ԵՒ ՄԵՍՐՈՎԲԱՅ եւ երանելի հայրապետացն մերոց Գիտոյ եւ Յովհաննու Մանդակունոյ եւ սրբոցն Ներսիսի Ենորհալոյ» (Վաղարշապատ, 1891 (ՌՅԽ)):

2. Գիտ կաթողիկոս (461—478).

Գյուտ կաթողիկոսին է վերագրվում «Արեւագալի ժամերգութիւն»-ը և մանավանդ «Յարեւելից մինչեւ ի մուտս արեւու, ընդ ամենայն տեղիս...» քարոզը:

3. Հովհաննես կաթողիկոս Մանդակունի (488—490).

Օձնեցու վկայությամբ Մանդակունի հայրապետին է վերագրվում ա. «Գիշերային ժամերգութիւն»-ը, բ. «Զարթուցեալքս» քարոզը, գ. «Զքէն գոհանամք» աղոթքը, դ. Ծաշու ժամերգության երրորդ, վեցերորդ և իններորդ ժամու աղուհացից հատուկ մեծ քարոզներն ու աղոթքները: Ըստ Օրմանյան սրբազանի, «Ծիսական կարգերու վերջնական ձևը» վերակազմել է Հովհան Մանդակունի կաթողիկոսը (Ազգապատում, էջ 478):

4. Ս. Ներսես Ենորհալի (1166—1173).

Հատուկ է Ս. Ներսես Ենորհալու վաստակը Ժամագրքի մեջ. այսպես՝ նրան են վերագրվում.

ա— Գիշերային ժամերգություն

1. «Յիշեցուք» երգը, բ— «Աշխարհ ամենայն», գ— «Առաւօտ լուսոյ», դ— «Այսօր անճառ», ե— «Աստուած անեղ», զ— «Նորոգող տիեզերաց» երգերը:

2. Առաւօտեան ժամերգութիւն.

«Նորաստեղծեալ» և «Արարչական» երգերը:

3. Արեւագալի ժամերգութիւն.

«Յարեւելից», «Ծգնաւորք», «Լոյս», «Ծանապարհ» երգերը:

4. Ծաշու ժամերգութիւն.

Երրորդ ժամու՝ «Օրհնեմք զքեզ».

Վեցերորդ ժամու՝ «Խաւարեցաւ».

Իններորդ ժամու՝ «Զարչարակցեալ», «Նահապետին» երգերը:

5. Խաղաղական ժամերգություն. «Նայեաց սիրով»:

6. Հանգստեան ժամերգություն. «Հաւատով խոստովանիմ» աղոթքը:

Այլ հեղինակներ.

1) Ս. Թովմաս առաքյալին է վերագրվում «Սուրբ Աստուած» երգի «Փառաւորեալ» մասը:

2) Ս. Գրիգոր Լուսավորչին է վերագրվում «Աստուած մեծ» քարոզը և «Հաւատամք»-ի «Իսկ մեք փառաւորեացուք» հատվածը:

3) Հովհաննես սրկ. «Յիշեա Տէր» քարոզը:

4) Ս. Գրիգոր Նարեկացու աղոթամատյանից առնված «Բան ԺԲ, ԽԱ, ՂԳ, Զ» մասը:

5) Ս. Գրիգոր Տաթևացուն է վերագրվում ժամագրքի սկզբում «Դաւանութիւն ողղափառ հաւատոյ», «Զղջումն» և «Արձակումն» դավանաբանական բաժինները:

Շ Ա Ր Ա Կ Ա Ն

Հայ Եկեղեցում գործածվող բոլոր շարականները գրված են ութ ձայների հիման վրա և ունեն հետևյալ անվանումները. «Օրհնություն», «Հարց», «Մեծացուցէ», «Ողորմեա», «Տէր յերկնից», «Ծաշու» և «Համբարձի»: Այս ութ խումբ անվանումից զատ կան նաև ուրիշ անուն շարականներ, որոնք հայտնի են «Զանազանք» կամ «Երգ» անվամբ:

Շարականների բաժանումը ութ (8) ձայների վրա.

	ԱԶ	ԱԿ	ԲԶ	ԲԿ	ԳԶ	ԳԿ	ԴԶ	ԴԿ	գումարը
Օրհնություն	9	11	12	11	15	10	15	16	99
Հարց	22	20	20	15/1	27	10	39	34/2	190
Մեծացուցէ	11	6	3	3	3	4	13	12	55
Ողորմեա	21	19	20	18	30	11	40	32/2	193
Տէր յերկնից	31	25	24	34	42	22	53	44/6	281
Մանկունք	3	7	6/3	7	12	2	13/1	15/14	83
Ծաշու	11	4	6	4	8	3	6	10/1	59
Համբարձի	4	1	5	4	2	2/1	6/1	4/2	32
Զանազանք	—	—	—	—	—	1	2	1	4
Ընդ. գումար	112—	93—	99—	97—	139—	72—	189—	195—	996

Շարականների հեղինակները.

Ըստ «Շարակնոցի», ապա նաև ԺԳ դարի պատմիչ Կիրակոսի, նաև հաստատմամբ Գրիգոր Տաթևացու (ԺԵ դար) շարականների հեղինակներն են ըստ ժամանակագրական կարգի.

Ե դար	Ս. Սահակ	«պատկերք»	29
	Ս. Մաշտոց	—	157
	Հով. Մանդակունի	—	5

Զ դար	Մովսես Քերթոզ	—	240
	Պետրոս Քերթոզ	—	94
Է դար	Կոմիտաս Կաթողիկոս	—	5
Ը դար	Սահակ Զորափորեցի	—	44
	Հովհանն Օձնեցի	—	11
	Մովսես Սյունեցի	—	62
	Խոսրովադուխտ Գողթնացի	—	1
	Ստեփանոս Սյունեցի	—	80
Ժ դար	Ստեփանոս եպս. Ապարանցի	—	1
ԺԱ դար	Պետրոս Գետադարձ	—	11/72
	Ստեփանոս վրդ. Սեբաստացի	—	6
	Գրիգոր Մագիստրոս	—	1
ԺԲ դար	Հովհ. Սրկ. վարդապետ	—	1
	Գրիգոր Գ Պահլավունի	—	12
	Բարսեղ Դրազարկցի	—	1
	Սարգիս վրդ. Շնորհալի	—	1
	Ս. Ներսես Շնորհալի	—	137
	Ներսես Լամբրոնացի	—	28
ԺԳ դար	Գրիգոր Սկևռացի	—	1
	Խաչատուր վրդ. Տարոնացի	—	1
	Վարդան վրդ. Արևելցի	—	13
	Հովհ. վրդ. Պլուզ Երզնկացի	—	9
	Հակոբ Ա Կլայեցի	—	7
ԺԴ դար	Կիրակոս Վարդապետ	—	1

«պատկերաց» ընդհանուր գումարը 1036

Ծ Ա Շ Ո Ց

Հայ Եկեղեցում գործածվող «Ծաշոցի» առաջին հեղինակն է համարվում Ս. Երուսաղեմի առաջին եպիսկոպոս Հակոբոս Տեառնեղբայրը, ապա Ս. Կյուրեղ հայրապետը: Այդ է վկայում «Գիրք Թղթոց»-ի այն վկայությունը, որով Սյունյաց Ստեփանոս եպիսկոպոսը, պատասխանելով Անտիոքի հույն եպիսկոպոսին, գրում է. «...զի մեզ յԵրուսաղեմ գիտեմք զսկիզբն հաւատոյ, եւ առաքեալքն յԵրուսաղեմ կարգեցին, եւ Յակոբոս Տեառնեղբայրն յԵրուսաղեմ կարգեաց զընթերցուածն, եւ Կիրեղ հայրապետն զնոյն դասակեաց» (Գիրք Թղթոց, էջ 325):

Ծաշոցի հայ հեղինակներն են.

ա— Հովհաննես Պլուզ—խրատ «Ոտնլուայի».

բ— Ներսես Լամբրոնացի—աղոթք «Հոգեգալուստ».

գ— Եղիշե վարդապետ—աղոթք «Այլակերպութիւն».

դ— Ներսես Հայրապետ—աղոթք «Խաղողօրհներ».

ե— Զաքարիա Կաթողիկոս—ներբող խաչի «Խաչվերաց».

Հույն և Ասորի հայրեր

ա— Բարսեղ Կեսարացի

բ— Հովհանն Ոսկեբերան,

գ— Կյուրեղ Երուսաղեմացի.

դ— Ս. Եփրեմ (թարգմանությունը՝ Գրիգոր Վկայասերի).

ե— Հակոբ Սրճեցի (Խաչի ճառ. Ավագ ուրբաթ):

ՅԱՅՍԱՄԱԻՈՒՐՔ

Սրբոց վկայաբանություն. **Յայսմատորք** անունը ծագել է ԺԳ դարում՝ սրբոց վկայաբանությանց մեջ պատմվող նյութերի մեջ հաճախ կրկնվող «յայսմ ատոր» բառերի կրկնության պատճառով:

«Յայսմատորքը» մեզ հայտնի է մասն ուրիշ անուններով. օրինակ՝ Ատոմադիր, Ճառքնադիր, Տօնական, Տօնամակ, Տօնապատճառ, Տօնացոյց, Տօնացուցակ:

Օտար հեղինակներ.

1. Աթանաս, 2. Ամփիլոքիոս, 3. Գրիգոր Նյուսացի, 4. Դիոնիսիոս Արիպագացի, 5. Մեծն Եվսեբիոս Պատմագիր, 6. Եփրեմ Խուրի, 7. Հիպոլիտոս Բոստրացի, 8. Մարութա եպիսկոպոս, 9. Մեղիստե, 10. Հակոբ Սրճեցի, 11. Հովհան Ոսկեբերան, 12. Պրոկղ:

Հայ հեղինակներ.

Ս. Սահակ և Ս. Մաշտոց, Մովսես Քերթոզ, Մամբրե Վերծանող, Եղիշե, Աբա, Գրիգոր Զորափորեցի, Սողոմոն վանահայր Մաքենացվոց, Արտավազդ վանահայր Երաշխավոր վանքի, Հովհաննես բժիշկ, Գրիգոր վարդապետ, Ատոմ եպիսկոպոս, Տանատ հայրն Վարագա, Սամուել Կամրջաձորեցի, Հովսեփ Կոստանդնուպոլսեցի, Գրիգոր Բ Վկայասեր, Կիրակոս վարդապետ Դրազարկցի, Հովհաննես Սարկավագ վարդապետ, Գրիգոր Գ Պահլավունի, Ս. Ներսես Ընդհալի, Ներսես Լամբրոնացի, Գրիգոր Սկևռացի, Տեր Իսրայել, Կիրակոս վրդ. Արևելցի, Դավիթ երեց Բալուեցի, Գրիգոր Է Անավարզեցի, Մովսես Երզնկացի, Դավիթ եպս. Չմշկածագի, Գրիգոր Տաթևացի, Դանիել վրդ. Մեծոփեցի, Գրիգոր վրդ. Խլաթեցի:

«Յայսմատորք»-ը տպագրվել է երեք անգամ՝ 1706 թ., 1730 թ. և 1834 թ., Կ. Պոլսի մեջ:

ՏԱՂԱՐԱՆ—ԳԱՆՉԱՐԱՆ

Տաղարանը խմբագրվել է երկու անգամ: Առաջինի հեղինակը և ժամանակը հայտնի չէ, իսկ երկրորդ անգամ այն խմբագրել և կազմել է Խլաթեցի Գրիգոր Ծերենց վարդապետը 1425 թվականին:

Տաղասացներ.

Ժ դար **Ս. Գրիգոր Նարեկացի**

«Աւետիս մեծ».

«Սեաւ եմ գեղեցիկ».

«Հաւուն հաւուն».

«Ես ձայն զառիծուն»:

ԺԲ դար **Գրիգոր Գ Պահլավունի**

«Ծաղիկ պայծառ».

«Կայր կոյսն ի յայրին».

«Ով զարմանալի».

«Ի յեյս արեւու»:

Ս. Ներսէս Շնորհալի

«Նորն Աղամ».

«Կանայքն արտասուողք».

«Նոր ծաղիկ պայծառ».

«Նստեալ կանայքն».

«Այսօր Գաբրիել».

«Անեղ Որդին».

«Անմարմնոցն հրեղինաց».

«Նոր լոյս յարփենայն».

«Առաւօտ լուսոյ».

«Երջանիկ հոգիահրաշ կոյսն».

«Նորահրաշ տեսիլ»:

ԺԳ դար Մխիթար Այրիվանեցի, Հովհաննէս Երզնկացի Պլուզ:

ԺԴ դար Կոստանդին եպս. Կիլիկեցի, Հակոբ, Հովհաննէս:

ԺԵ դար Առաքել վրդ. Բաղիշեցի, Առաքել եպս. Սյունեցի, Գրիգոր Սեբաստացի Արթուն:

ԺԶ դար Գրիգորիս Կաթողիկոս Աղթամարցի:

ԺԷ դար Արիստակէս Խարբերդցի:

ԺԸ դար Գալուստ պատրիարք Կալծակն:

ԳԱՆՁԵՐ

Գանձեր կամ եղանակաւոր քարոզներ. առաջացել է քարոզների առաջ որպէս «գանձ» բառից. օրինակ՝ Գրիգոր Նարեկացի «Գանձ լուսոյ», «Գանձ բաղձալի», «Գանձ անքննին»: Գանձարանի խմբագիրը ևս համարվում է Մերենցը:

ԳԱՆՁԱՍՏԱՅՆԵՐ

Ս. Գրիգոր Նարեկացի, Ս. Ներսէս Շնորհալի, Խաչատուր Տարոնացի, Հովհաննէս Երզնկացի Պլուզ, Մխիթար Այրիվանեցի, Գեորգ Լամբրոնացի, Խաչատուր Կեչառեցի, Հովհաննէս Թլկուրանցի, Վարդան, Հակոբ, Մովսէս Երզնկացի, Սարգիս, Գրիգոր, Համազասպ, Պողոս, Ստեփանոս, Սկրտիշ, Մատթէոս Զուղայեցի, Մանուէլ եպս. Բջնո, Գրիգոր Խլաթեցի Ծերենց, Սկրտիշ եպս. Նաղաշ. Առաքել վրդ. Բաղիշեցի, Հովհաննէս Թլկուրանցի, Երեմիա Չելեպի Քյոմյուրճյան:

ՏՕՆ Ա Յ Ո Յ Ց

«Տօնացույց»-ի հեղինակների և գործածման նպատակի մասին տեղեկություն ենք քաղում տոնացույցի վերտառութիւնից. «Սկզբնաւորեալ ի սրբոյ Լուսաւորչէն մերմէ... Եւ կարգաւորեալ սրբոյն Սահակայ Պարթեւի եւ երանեալ հայրապետացն մերոց Գիտոյ Հայրապետին եւ Յովհաննու Ման-

դակունոյ եւ հոսկ ապա Ս. Ներսէսի Շնորհալոյ, իսկ յետ ժամանակաց ի Ս. Աթոռն Էջմիածնի Տ. Սիմէոնի հայոց կաթողիկոսի» (Տոնացոյց, Երուսաղէմ, 1915 թ.):

Տոնացոյցի հեղինակներ.

1) Ս. Գրիգոր Լուսավորիչ.

Ստեւծելով պետական պաշտոնական անկախ Եկեղեցի, բնական է, որ Լուսավորիչը պիտի ստեղծէր անկախ հայկական տոնակարգ: Բայց մեզ գրավոր տեղեկություններ չեն հասել, թե հատկապէս ինչ նորարարություններ է կատարել և ինչ տեսք է ունեցել Լուսավորչի Տոնացոյցը:

2) Ս. Սահակ Գարթե, Գյուտ Կաթողիկոս, մահ Հովհան Մանդակունի հայրապետների անունները ևս վկայագրված են Տոնացոյցում, այս պարագայում ևս ոչ մի գրավոր վկայություն չունենք վերոհիշյալ հայրապետների տոնացուցալին կարգադրությունների կամ բարեփոխումների մասին:

3) Ս. Հովհան Օձնեցի.

Ըստ Վարդան վարդապետի վկայության, Օձնեցի կաթողիկոսն է կարգավորել Ս. Ծննդյան տոնին իբրև նախատոնակ չորս «Աւագ տօներ»-ը, «Նախատօնակ Տեառն Ծննդեան դնելով զչորս տօնն փոխանակ չորեք կարպեան Աթոռոյն, եօթն հովիս կազմելով, ութերորդ վաղուց արդեան առաջնորդին՝ Յիսուսին Աստուծոյ» («Արարատ», 1888 թ., էջ 589):

4) Ս. Ներսէս Շնորհալի

Ըստ «Տոնացոյց»-ի, Շնորհալին կարգավորել է «Հոգեգալստեան» յոթ, իսկ «Վերափոխման» տոնին ինն օր տոնախմբելու մասին. «Յայս վեց վեց ատուրս՝ սրբոյն Ներսէս Շնորհալին կարգեաց տօնել զտօն Հոգւոյն Սրբոյ Գալստեան եւ զարդարեաց երգութն եւ ընթերցուածովք»: (Տոնացոյց, էջ 147): Այսպիսով այդ վեց օրերը Հոգեգալստյան տոնի հետ կազմում են յոթ օրերի ընթացք: «Եւ այսպէս երիցս անգամ կրկնեա զերիս պատկերս՝ որ լինի ինն օր՝ ըստ սահմանադրութեան սրբոյն Ներսէսի Կալչեցոյ» (ա.ժ.ճ.ճ. էջ 206):

5) Սիմէոն Ա. Երեւանցի (1763—1780).

Սիմէոն կաթողիկոսը բարեփոխեց, տոմարական նոր հաշվարկով տեղաբաշխեց Հայ Եկեղեցու բոլոր տոնելի տոները՝ հատկապէս մեծ տեղ տալով ազգային սրբերին և տոներին. կազմեց հատկապէս շաբաթ և կիրակի օրերի համար տոնական հաստատուն կարգ: Սիմէոն կաթողիկոսի կազմած «Տոնացոյց»-ով ենք առաջնորդվում մահ այսօր:

Հայ Եկեղեցու տարին, ըստ վերոհիշյալ Տոնացոյցի, բաժանվում է երեք հիմնական տեսակ-օրերի: Տերունի, Սրբոց, Ապաշխարութեան: Սրանք ևս իրենց հերթին բաժանվում են երեք տեսակի (ըստ կենցաղի կամ կերակրատեսակների տարբերության): Ուտիք, Նավակատիք և Պահք:

Ստորև տանք Ուտիքի, Նավակատիքի և Պահոց օրերի ցանկը:

	ուտիք	նավակատիք	պահք	օրերի գումար
Տերունի օրեր	104	5	27	163
Սրբոց օրեր	101	—	15	116
Ապաշխարության	—	—	113	113
	205	5	155	365 օր

Այս տոնակարգը կատարվում է մահ այսօր նույնությամբ:

ԽՈՐՀՐԴԱՏԵՏՐ ՊԱՏԱՐԱԳԱՄԱՏՈՒՅՑ

Ա. Պատարագի խորհուրդը հաստատել է Քրիստոս «Վերջին ընթրիքի» ժամանակ Սիոնի Վերնատան մեջ: «Առէք, կերայք, այս է մարմին իմ...»: «Արբէք ի դմանէ ամենեքին, զի այդ է արին իմ նորոյ ուխտի...» (Մատթ. ԻԺ 26—28, Մարկոս ԻԴ 22—24, Ղուկաս ԻԲ 19—20, Ա. Կորնթ. ԺԱ 23—25):

Քրիստոսի Համբարձումից հետո առաքյալները Ա. Պատարագի խորհուրդը կատարում էին կիրակի օրերին, որոշ տների մեջ երեկոյան ժամերին (Գործք. Ի 7, Բ 46, Ի 7—11): Առաքյալներն ընթերցում էին Հին Կտակարանից հատվածներ, քարոզում, սաղմոսում, աղոթում, բեկում հացը և բաշխում «Սուրբ Հաղորդությունը», ապա կատարում սիրո ճաշ, որն հայտնի է «Ագապ» անունով:

Առաքելական պատարագամատույցներ.

Մեզ հայտնի են երեք առաքելական պատարագամատույցներ. Ա. Անդրեի, Ա. Հակոբոս Զեբեթյան և Ա. Հակոբոս Տեառնեղբոր: Իսկ հայոց մոտ ընդունված և այսօր էլ կիրառելի պատարագամատույցը կազմող հեղինակներն են՝ ա.—Բարսեղյան (Բարսեղ Կեսարացի). այս պատարագամատույցը անվանվում է Լուսավորչի, հավանաբար Գր. Լուսավորիչը այն կիրառել է մեր եկեղեցիներում: բ.— Նազիանգյան (Գրիգոր Նազիանգացի). Ա. Հովհան Մանդակունի կաթողիկոսը այն որդեգրել և խմբագրությամբ գործածվել է մեր եկեղեցում: գ.— Ոսկեբերանի. նույնություններ ունի Բարսեղյանի հետ և գործածվում է հատկապես Հույների մոտ: Գործածվել է նաև մեզանում: դ.— Հռովմեացվոց. թարգմանված Ներսես Լամբրոնացու կողմից և ապա որդեգրված ու որոշ մասեր ներմուծված մեր խորհրդատեություն:

Արդի պատարագամատույցը կազմվել է առավելապես Կապադովկյան հայրերի՝ Ա. Բարսեղի, Ա. Նազիանգացու պատարագների հետևությամբ: Խմբագրվել է Լամբրոնացու կողմից, ավելացվել Նարեկացու աղոթքները, իսկ ավելի ուշ, «Տէր ողորմեա»-ի երգերը Ա. Երևանցու ժամանակ: Հրատարակվել է շատ անգամներ: 1513 թ.՝ Վենետիկ, 1748 թ.՝ Պոլիս, 1880 թ.՝ Վաղարշապատ, և այլն:

ՄԱՇՏՈՑ (ՄԱՅՐ ՄԱՇՏՈՑ)

Հայ Առաքելական Սուրբ Եկեղեցու խորհուրդներն ու հոգևոր բարեպաշտական արարողությունները պարունակող գիրքը կոչվում է «Ծիսարան» կամ «Մաշտոց»:

Ըստ Կ. Պոլսում 1807 թ. (էջ 3) Մայր Մաշտոցի բացատրության, ծիսարանը Մաշտոց է կոչվում Ա. Մեսրոպ Մաշտոցի անունով: Նրան է վերագրվում ծիսարանի կազմությունը: Իսկ Կիրակոս Պատմիչը այն վերագրում է Մաշտոց կաթողիկոսին (897—98 թ.) այս վկայագրով. «Սա կարգեաց զգիրսն որ ըստ իր անուան Մաշտոց կոչի, ժողովեալ զամենայն

կարգա...»: Օրմանյան և Դուրյան սրբազանները ևս հաստատում են վերջին կարծիքը (Ազգապատում, 698 էջ):

Ծիսարան Մաշտոցի հեղինակները.

ա— **Հուստոս եպիսկոպոս.** «Իսկ վասն Տեառնականի եւ Աղօրհնեիցն սրբոյն Յուստոսի է արարեալ, որ էր չորրորդ եպիսկոպոս Երուսաղեմի ի սրբոյն Յակոբայ» (Մատենադարան Հայկական թարգմանութեանց մատենաց, Վենետիկ, 1889, էջ 247):

բ— **Ս. Գրիգոր Առաքելորիչ.** «Իսկ վասն գրականացաց եւ կիսաստղապագաց եւ նկարեալ եկեղեցոյ, եւ յետոյ դուռն եկեղեցոյ, եւ զնշարս սրբոցն ի հանգիստ փոխել, այս ամենայն հիշատակ է մեզ ի սրբոյն Գրիգորէ մերոյ Լուսաւորչէ» (Մատենադարան Հայկ. Թարգ., էջ 247):

գ— **Եփրեմ Խուրի.** «Իսկ զԱզգապսն սուրբ առնել, որ է հոգեհանգիստն, եւ զՔահանայաթաղն՝ որ ունի ութետասան անետարան արարեալ է սրբոյն Եփրեմի Խուրին Ասորոյ ի Նիկոմիդացոց քաղաքին երկրորդ ամի հայրապետութեան իւրոյ...» (Մատենադարան հայկ. թարգ., էջ 247):

դ— **Գրիգոր Աստվածաբան.** «Զկանոն սերմնօրհնէքին, զկալի եւ զհրնձանի՝ արարեալ Գրիգորի Աստուածաբանի...» (Մ. Մաշտոց, Կ. Պոլիս, 1807 թ., էջ 2):

ե— **Ս. Սահակ Պարթև.** «Իսկ զՔահանայօրհնէսն սրբոյն Սահակայ է գործել... եւ ի քահանայաթաղն այլ՝ յաւել եօթն անետարան... նոյնպէս եւ զԱշխարհաթաղն ի քաղաքադաշտի...» (Մատ., էջ 247):

զ— **Հովհան Մանդակունի.** «Յետ այսորիկ գրի անդ թէ՛ զհիմնարկէք եւ զեկեղեցոյ օրհնէքն, զսրբել տաճարի եւ ժամահարի, սկիի եւ Մաղզմայի եւ հանդերձ սպասու, աւագան եւ մկրտութիւն առնել, խաչ օրհնել եւ պսակ դնել.. զայդ Մանդակունին է արարեալ, որ չորեքտասան թիւ էր ի սրբոյն Գրիգորէ» (Մայր Մաշտոց, էջ 8):

է— **Մաշտոց կաթողիկոս.** 1696 թ. Էջմիածնում գրված «Յայսմատուրք»-ի վկայությամբ (Երուսաղեմ ձեռագրատուն, թիվ 1918, էջ 235). «Այս վարդապետս Մաշտոց, ընդ բարի վաղուց առաքինութեան իւրոյ, արար և բազում ուղղութիւնս կարգաց եւ կրօնից սբ. եկեղեցոյ: Եւ ժողովեաց զկարգեալսն յառաջին սրբոցն, եւ զթերին ինքն ելից յաստուածային շնորհաց իւրոց, եւ եդ ի միում տփի զկարգն Մկրտութեան և զՊսակին, զՀաղորդութեան, զթաղման, զհոգեհանգիստն, եւ զԽաչօրհնէքն, զՍերմնօրհնէքն, զԾեղջ, զկալ, եւ զհնձան, զհորս, եւ զկարաս, զԶրօրհնէն եւ զՈտնկուայն, զհիմնարկէքն եւ զԵկեղեցի օրհնէքն, զԱւագան եւ զպղծեալ Տաճարին, զԶեռնադրութիւն, եւ զՔահանայաթաղն, եւ զայլ ամենայն սրովք վարին մերս կարգաւորութիւն, վասն որոյ եւ անուն գրոցն Մաշտոց կոչեցաւ, զի նորին աշխատասեր կամոքն ի մի վայր ժողովեցաւ»:

ը— **Ս. Ներսէս Շնորհալի.** Մեռնօրհնության կանոնի մեջ Ներսէս Շնորհալուն է վերագրվում մի քարոզ. «Նոր արհնութիւն ընդ հայցուածոց մաղթանաց...» (Յուցակ հայերեն ձեռագրաց, Բ հատոր, Հալեպ, 1936 թ., էջ 15):

թ— **Ներսէս Լամբրոնացի.** Թարգմանաբար հաստատել է «Թագաւորօրհնէք»-ի կարգը, ինչպէս Լամբրոնացին է վկայում. «Իսկ ես զսահմանեալ արհնութիւն թագաւորիս ոչ կամեցայ աղաւաղել, եդի ընդ մախ թարգմանեալ կարգաւ վերստին յարմարմամբ...»: Նրա գրչին է պատկանում նաև «Զրօրհնէք»-ի կանոնը:

Ժ— **Ստեփանոս արքեպս. Տաթևի.** Հորինել է «Նաօրհնեաց կանոնը» (տես «Սիսուան», էջ 74):

ժա— **Գրիգոր Տաթևացի.** Հեղինակել և սահմանել է Վարդապետական աստիճանի տվչության հատուկ կարգը (Մ. Մաշտոց, էջ 281):

Վերոհիշյալ կարգը Գևորգ Դ կաթողիկոսի հրամանով 1876 թ. Վաղարշապատում հրատարակված Մաշտոցում վերնագրվել է հետևյալ կերպ. «Գիրք գաւազան տալոյ աշակերտացն ճշմարիտ բանին քարոզութեան, նախ զմասնատրն իշխանութիւն՝ որ է չորս աստիճան, եւ ապա զծայրագոյն, որ է տասն աստիճան, որ լինի բոլորն չորեքտասան: Յօրինեալ սրբոյն Գրիգորի Տաթևոցոյ ճշմարտութեան վարդապետի, գերահանճար հռետորի եւ անյաղթ ախոյանի սուրբ հաւատոյ, աշակերտի մեծի Յովհաննու Որոտնեցոյ»:

Ժբ— **Մինաս արքեպիսկոպոս.** Սուրբ Էջմիածնի միաբան Մինաս արքեպիսկոպոսը կարգավորել է «Եկեղեցոյ հիմնարկութեան» կանոնը: «Կանոն եւ արարողութիւն վասն հիմնարկութեան եկեղեցոյ: Արարեալ Տեառն Յովհաննու Մանդակունոյ՝ սրբազան կաթողիկոսի նախատես: Եւ կարգաւորեալ այժմ ի սրբոյ Աթոռոյն Էջմիածնի միաբան՝ Տեառն Մինասայ Արհիեպիսկոպոսէ» (Մ. Մաշտոց, էջ 155):

ԱՐՏԱԿ ԱՎ. ՔՀՆ. ՄԻՄՈՆՅԱՆ

